



O'ZBEKISTON RESPUBLIKASI DAVLAT AKTIVLARINI BOSHQARISH AGENTLIGINING

YAGONA AKSIYADOR (ISHTIROKCHI) Q A R O R I

2024-yil 24-yanvar

06/09-2qr-sonli

Toshkent sh.

“Angren logistika markazi” aksiyadorlik jamiyatining kuzatuv kengashi to‘g‘risidagi nizomni va yangi tahrirdagi ustavini tasdiqlash to‘g‘risida

“Aksiyadorlik jamiyatlari va aksiyadorlarning huquqlarini himoya qilish to‘g‘risida”gi O‘zbekiston Respublikasi Qonunining 58-moddasi, O‘zbekiston Respublikasi Prezidentining 2023-yil 29-dekabrdagi PQ-422-son qarori hamda “Angren logistika markazi” AJ (keyingi o‘rinlarda - jamiyat) kuzatuv kengashining 2024-yil 15-yanvardagi majlisi qaroriga asosan Davaktiv agentligi **qaror qiladi**:

1. Quyidagilar:

O‘zbekiston Respublikasi Prezidentining 2023-yil 29-dekabrdagi “O‘zbekiston Respublikasining “2024-yil uchun O‘zbekiston Respublikasining Davlat budgeti to‘g‘risida”gi Qonuni ijrosini ta‘minlash chora-tadbirlari to‘g‘risida”gi PQ-422-son qarorining 18-bandiga muvofiq, **ustav kapitalida davlat ulushi 50 foiz va undan ortiq bo‘lgan xo‘jalik jamiyatlari**, jumladan tijorat banklarining (mahalliy hokimiyat organlari muassisligidagi jamiyatlardan tashqari) **ijroiya organiga to‘lanadigan haq va ularning eng yuqori miqdorini belgilash** hamda **jamiyatning tashkiliy tuzilmasini tasdiqlash**, shuningdek, ularga o‘zgartirish kiritish bo‘yicha masalalarni **kuzatuv kengashi tomonidan ma’qullangandan so‘ng aksiyadorlar umumiyligiga yig‘ilishiga kiritish** tartibini joriy etish belgilanganligi;

“Aksiyadorlik jamiyatlari va aksiyadorlarning huquqlarini himoya qilish to‘g‘risida”gi Qonunning 59-moddasiga asosan aksiyadorlar umumiyligiga yig‘ilishining vakolat doirasiga jamiyat ustaviga o‘zgartish va qo‘sishimchalar kiritish yoki jamiyatning yangi tahrirdagi ustavini tasdiqlash hamda jamiyatning tashkiliy tuzilmasini tasdiqlash, **ijroiya organini tuzish, uning rahbarini saylash (tayinlash)** va rahbarning vakolatlarini muddatidan ilgari tugatish masalalari kiritilganligi **ma’lumot uchun qabul qilinsin**.

2. “Angren logistika markazi” AJning kuzatuv kengashi to‘g‘risida”gi Nizomi 1-ilovaga muvofiq tasdiqlansin.

3. Jamiyatning amaldagi ustaviga taklif etilayotgan o‘zgartishlar va qo‘sishimchalar ma’qullansin va yangi tahrirdagi ustav 2-ilovaga muvofiq tasdiqlansin.

4. Jamiyat bosh direktori B. Abduraimov yangi tahrirdagi ustavni **davlat ro‘yxatidan o‘tkazilishini ta’milasin.**

5. Mazkur qaror ijrosini nazorat qilish Davlat aktivlarini boshqarish agentligi direktorining birinchi o‘rinbosari N. Xusanov zimmasiga yuklatilsin.

Direktor



A. Ortikov